



## Aningaasanut Nunanullu Allanut Naalakkersuisoq

### **Aningaasaqarnermut Ataatsimiititaliap suliag nr. 01.31.06/07-00229 pillugu pingasunngornermi ulloq 19. marts 2007-imi aalajangiinera pillugu Naalakkersuisunut ilisimatitsineq.**

(Naalakkersuisut ulloq 15. februar 2007-imi ataatsimiinneranni imm. 2c)

### **Nammineq inissianik tapiissutitalimmik sanaartornermi suliassani aalajangersimasuni taamaatitsineq aningaasaliissutinillu appartitsineq**

#### Naalakkersuisut inassutigaat

- Kontomi pingaarnermi 87.72.15-imi, Piginneqatigiilluni inissialiortiternermut tunngasumi, suliassamut nr. 060.34.007-imut, Nuummi Qarajami inissianut 12-inut tunngasumut, aningaasaliissutit -6.300.000 koruuninik ikilineqassasut
- Kontomi pingaarnermi 89.72.11-imi, Nammineq inissianik tapiissutitalimmik sanaartornermut tunngasumi, aningaasaliissutit 6.300.000 koruuninik amerlineqassasut, taakkulu ima agguataarneqassasut; suliassamut nr. 020.37.020-imut, Qaqortumi S. Pedersenimut inissiamut ataatsimut tunngasumut, aningaasaliissutit -229.500 koruuninik ikilineqassasut, suliassamut nr. 020.37.021-imut, Qaqortumi Sam-Byg Kujataani ApS-imut inissiat tallimanut, aningaasaliissutit -357.000 koruuninik ikilineqassasut, suliassamut nr. 020.37.023-imut, L. Lundbladimut inissiaq ataatsimut tunngasumut, aningaasaliissutit -90.700 koruuninik ikilineqassasut, suliassamut nr. 060.34.023-imut, Nuummi Kiliffammut inissiat 6-inut tunngasumut, aningaasaliissutit -3.150.000 koruuninik ikilineqassasut, suliassamut nr. 060.34.026-imut, Nuummi Qinngorinni inissiat 6-inut tunngasumut, aningaasaliissutit -3.150.000 koruuninik ikilineqassasut, suliassamut nr. 060.34.028-imut, Nuummi Nanumut inissiat 12-inut tunngasumut, aningaasaliissutit -6.300.000 koruuninik ikilineqassasut, suliassamut nr. 080.34.031-imut, Sisimiuni Sarsuatsivinnguamut inissiat 10-inut tunngasumut, aningaasaliissutit -5.250.000 koruuninik ikilineqassasut, suliassamut nr. 120.37.042-mut, Ilulissani Jens's Malerforretningimut inissiaq ataatsimut tunngasumut, aningaasaliissutit -274.800 koruuninik ikilineqassasut aammalu suliassamut nr. 996.37.055-imut, Nammineq inissianik tapiissutitalimmik 2007-imi sanaartornermut tunngasumut, aningaasaliissutit 25.102.000 koruuninik amerlineqassasut.
- kontomut pingaarnermut 89.72.11-imut, Nammineq inissianik tapiissutitalimmik sanaartornermut tunngasumut, oqaasertaliussamut nr. 7-imut allannguutissatut siunnersuut akuerineqassasoq.
- kontomut pingaarnermut 89.72.11-imut, Nammineq inissianik tapiissutitalimmik sanaartornermut tunngasumut, oqaasertaliussamut nr. 7-imut oqaaseqaatinut allannguutissatut siunnersuut akuerineqassasoq.

### **Aningaasaqarnermut Ataatsimiititaliap oqaaseqaatai**

Nammineq inissianik tapiissutitalimmik sanaartornermi suliaassanut aalajangersimasunut aningaasaliissutinik allannguissanut arlalinnut Aningaasaqarnermut Ataatsimiititaliamit taparserneqarnissaq suliami matumani Naalakkersuisut qinnutigaat.

Tamatuma saniatigut kontomut pingaarnermut 89.72.11-imut, Nammineq inissianik tapiissutitalimmik sanaartornermut tunngasumut, oqaasertaliussamut nr. 7-imut aningaasanut killiussap allanngortinneqarnissaa Naalakkersuisut qinnutigaat. Aningaasaliissutinut allannguutissatut qinnutigineqartunut naapertuuttunngoqqullugu piginnaatitsissutip annertusineqarnissaa qinnutigineqarpoq.

Oqaasertaliussap pineqartup allanngortinneqarnissaa Naalakkersuisut 2006-ip ingerlanerani marloriarlutik aamma qinnutigisimagaat 2006-imi ilassutitut aningaasaliissutinut inatsisissatut siunnersuutip suliarineqarneranut atatillugu Aningaasaqarnermut Ataatsimiititaliamit oqaatigineqarpoq. Tamanna tunngavigalugu oqaasertaliussap oqaasertaasa eqaallisarneqarnissaat pitsaasuussasoq ataatsimiititaliaq naliliivoq.

Tamanna tunngavigalugu 2008-mi aningaasanut inatsisissatut siunnersuummik suliarinninnerminni Naalakkersuisut oqaasertaliussamik allanngortitsinissaat ataatsimiititaliamit siunnersuutigineqassaaq, taamaaliornikkut ukiumi aningaasanut inatsisip atuuffiani ukiumilu missingersuusiordimmi siullermi sinaakkutitut aningaasaliissutigineqartut katinnerisa annertoqataannik kontomit ataatsimut isigalugu tapiissuteqarnissamik Naalakkersuisut neriorsuuteqarnissamut piginnaatinneqarsinnaaqullugit. Tamanna iluatsillugu oqaasertaliussamut nassuiaatit itisiliivigineqartariaqarput, tassa nassuiaatit oqaasertaliussamik uteqqiinerinnaajunnaaqullugit.

Tassunga atatillugu Naalakkersuisut ataatsimiititaliamit eqqaasinneqassapput aningaasaliissutinik allannguinnermut atatillugu nassuiarneqartussa q tassaaq aningaasaliissutinik allannguissamik qinnuteqaammut *tunuliaqutaasoq*. Tamanna soorunami aamma atuuppoq oqaasertaliussamik allannguinnermi. Taamaalillunilu Naalakkersuisut oqaasertaliussamik allannguissamik siunissami qinnuteqaateqartillugit aningaasaliissutinik allannguissami *tunuliaqutaasoq* oqaasertaliussamut nassuiaatini nassuiarneqartariaqarpoq.

### **Aningaasaqarnermut Ataatsimiititaliap aalajangiinera**

Siuliani oqaaseqaatigineqartut innersuussutigalugit Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua